

玉

海

八

玉海卷第十四

浚儀王應麟伯厚甫

地理

地理圖

神農地形圖

春秋元命包神農世白阜圖地形脉道注白阜爲神

農圖畫地形通水道之脉注類聚引神農書曰湛濁

爲地

黃帝九州圖

太平御覽太一式占周公城名錄曰

通志周公城名錄一卷隋志太

一
式
雜
占
十
卷
又見職錄

黃帝受命風后受圖割地布九州置十二圖

河圖括地象八極之廣東西二億三萬

三千里南北二億三萬一千五百里夏禹所治四海
內地東西二萬八千里南北二萬六千里天有九道
地有九州 王逸九思懿風后兮受瑞圖 賈誼新
書黃帝濟東海入江內取綠圖 史記黃帝東至于
海登凡山及岱宗西至于空桐登雞頭南至于江登
熊湘北逐葷粥合符釜山而邑于涿鹿之阿 吳越
春秋禹案黃帝中經

舜益地圖

帝王世紀西王母慕舜德來獻白環及玦并貢益地

圖

初學記

書帝駿期西王母於大荒之國得益地

圖慕舜德遠來獻之

集仙錄黃帝在位王母遣使

乘白鹿集帝庭授以地圖舜在位遣使獻白玉環及

益地圖遂廣黃帝九州爲十二州又獻玉琯吹之以

和八風

馬融云禹平水土置九州舜以冀州之北

廣大分置并州燕齊遼遠分燕置幽州分齊爲營州

書正義舜攝位元年九州始畢當是二年之後以

境界太遠始別置之禹還置九州

漢賈捐之曰堯

舜禹三聖之德地方不過數千里

禹山川圖

見後 左傳注

禹九州圖

術異記魯班石爲禹九州圖今在格城石室山東北
巖中 帝王世紀禹觀於河始受圖括地象也圖言
治水之意 尚書刑德政曰禹長於地理得括地象
圖堯以爲司空 孝經援神契九州凡九百十萬八
千二十四頃磽塉不墾者千五百萬二千頃

周山川圖

詩周頌般於皇時周陟其高山墮山喬嶽允猶翕河

箋云猶圖也皆信案山川之圖而次序祭之河自大
陸之北敷爲九祭合爲一正義山川共爲一圖望秩
山川則案圖其餘衆川皆案圖祭之

又見五服

周職方圖

禮職方氏

中大夫四人下大夫八
中士十六主四方職貢

掌天下之圖辨邦

國都鄙四夷八蠻七閩九貉五戎六狄之人民與財
用九穀六畜之數要周知利害辨九州之國使同貫
利東南曰揚州山會稽澤具區川三江浸五湖其利
金錫竹箭穀宜稻正南曰荊州山衡藪雲薈川江漢
浸潁湛其利丹銀齒革穀宜稻河南之豫則華山圃

田熒雒波漾正東之青則沂山望諸淮泗沂沭河東
之兗則岱山大野河沛盧維正西之雍則嶽山弦蒲
涇汭渭洛東北之幽則醫無閭獫狁養河沛菑時河內
之冀則霍山楊紆漳汾潞正北之并則常山昭餘祁
虓池嘔夷涑易其利林漆絲枲蒲魚玉石魚鹽松柏
布帛其穀五種稻麥四種三種黍稷辨九服之邦國
王畿侯服甸男采衛蠻夷鎮藩以上用經文節要併寫正義九
州總爲三道先從南方起尊陽方周改禹貢以徐梁
合於雍青分冀州爲幽并東南曰揚州次正南曰荊
州周之西南不置州統屬雍州卽次河南曰豫州爲

一道也次正東曰青州次河東曰兗次正西曰雍爲
二道又次東北曰幽州次河內曰冀次正北曰州并
爲三道若禹貢治水則爲二道又先從下起與此異
也然旣以徐梁合雍青其二道則以冀兗青徐爲一
道揚荊豫梁雍爲二道云九州皆有鎮所以安地德
一州之內山川澤藪至多取最大者而言鄭志趙商
問職方氏掌四夷八蠻七閩九貉五戎六狄之數注
云周之所服國數明堂位曰周公六年制作禮樂朝
諸侯於明堂有朝位服事之國數夷九蠻八戎六狄
五禮之事異未達其數鄭荅職方四夷四方夷狄也

九貉卽九夷在東方八蠻在南方閩其別也戎狄之
數或六或五兩文異爾雅雖有其數皆無別國之名
周之充於禹貢侵青徐之地周之青於禹貢侵豫之
地周之雍豫於禹貢兼梁之地周之冀州小於禹貢
以其北有幽并也周無徐梁禹貢無幽并 書序孔
子術職方 汲冢周書職方解第六十二 與周孔晁
官同
注云穆王使有司鈔出之欲時省焉 漢華嶽碑以
爲識方氏 隋志周則夏官司險建九州之圖地官
誦訓掌方志春官保章以星土辨九州之地職方掌
天下之圖司徒掌土地之圖及土會之法其事分在

衆職而冢宰掌建六典實總其事大史以典逆冢宰
之治其書蓋亦總爲史官之職 唐志職方記十六

卷

周地圖 方志 九州圖 天下圖

地官大司徒掌建邦之土地之圖

注若今司空郡國輿地圖疏案漢蕭

何收秦圖籍以知天下阨塞廣遠至後漢乃有司空郡國輿地圖職方注直云如今司空輿地圖不云郡國以司馬主九畿并夷狄而言故不云以天下土地

郡國此主人民之數唯據九州之中

之圖周知九州之地域廣輪之數辨其山林川澤丘
陵墳衍原隰之名物邦國都鄙之數注九州揚荊豫
青兗雍幽冀并疏有幽并無徐梁此土地圖據十等

土地而說馬融云東西爲廣南北爲輪案王制南北
兩近一遙東西兩遙一近是南北長東西短謂知此
數也山林以下十等名異辨邦國者謂分別畿外諸
侯邦國多少之數若王制云畿外八州州二百一十
國也辨都鄙者謂分別畿內三等采地之數若王制
畿內九十三國也 小司徒地訟以圖正之注謂邦
國本圖疏凡量地以制邑初封量之時卽有地圖在
於官府 小宰聽閭里以版圖注版戶籍圖地圖也
聽人訟地者以版圖決之 遂人以土地之圖經田
野造縣鄙形體之灋制分界也 土訓道地圖以詔地事

注說地圖九州形勢山川所宜疏九州地圖乃諸國
所獻以入職方今土訓乃於職方取九州地圖依而
說 誦訓道方志以詔觀事道方慝以知地俗注四
方所識久遠之事以告王若魯大庭之庫穀二陵
卅人掌金玉錫石之地以時取之物其地圖而授之
司書掌邦中之版土地之圖知山林川澤之數

量人掌建國之瀛分國爲九州邦國之地與天下之
涂數皆書而藏之注書地謂方園山川之廣狹書涂
謂支湊之遠近 司險掌九州之圖周知山林川澤
之阻 職方掌天下之圖 保章以星土辨九州之

地 穆天子傳庚辰天子大朝于宗周之廟乃里西
土之數注紀年曰穆王西征還里天下天子大朝于黃之山披圖視
典 蘇秦說趙曰以天下地圖案之諸侯之地五倍
於秦

周版圖

禮小宰以官府之八成經邦治三日聽閭里以版圖
注版戶籍圖地圖也 司書掌邦中之版土地之圖
以周知入出百物 內宰掌書版圖之灋以治王內
之政令注版謂宮中閭寺之屬及其子弟錄籍也圖
王及后世子之宮中吏官府之形象也 宮正掌王

宮比宮中之官府次舍爲之版以待司農注爲官府

次舍之版圖

立謂版名籍

宮伯掌王宮士庶子凡在版

者注版名籍也以版爲之今鄉戶籍謂之戶版司

會掌凡在書契版圖者之貳以聽會計注圖土地形

象田地廣狹大胥掌學士之版司士掌羣臣之

版論語式負版者注邦國圖籍版圖之貳司會

掌之土地之圖司書記之則天官之屬也形體之法

遂人造之地事之圖土訓詔之則地官之職也春卿

有小史外史掌其志夏卿有司險職方掌其圖至於

邦國土地之圖地域廣輪之數載在司徒維見可睹

周帝王圖籍

漢地志周爵五等而上三等不滿爲附庸蓋千八百國而大吳黃帝之後唐虞侯伯猶存帝王圖籍相踵而可知 王吉疏帝王圖籍日陳于前 翟酺上疏帝王圖籍陳列左右

周卜洛圖

洛誥乙卯朝至于洛師我卜河朔黎水乃卜澗水東瀍水西惟洛食又卜瀍水東亦惟洛食佯來以圖及獻卜注所卜地圖 周書有作雒篇 司約丹圖

禮形方氏

中士四人

掌制邦國之地域而正其封疆無有

華離之地

世甄樂文周河圖隱志云傳測山之賦土爲東共

水經注穆天子傳曰天子西征至陽紆之山河伯馮夷之所居地也是惟河宗氏天子乃沈珪璧禮焉河伯乃與天子披圖視典以觀天子之寶器玉果璿珠燭銀金橐等物皆河圖所載河伯以禮穆王視圖方乃導以西邁矣粵在伏羲受龍馬圖於河八卦是也故命歷序曰河圖帝王之階圖載江河小川州界之分野後堯壇於河受龍圖作握河記逮虞舜夏商咸亦受焉李尤盟津銘洋洋河水朝宗于海徑自中州

龍圖所在淮南子曰昔禹治洪水具禱陽紆蓋於此也河圖玉板曰倉頡爲帝南巡登陽虛之山臨于元扈洛汭之水靈龜負書丹甲青文以授之隋巢子姬氏之興也河出錄圖

河圖括地象

周禮疏河圖括地象西北爲天門東南爲地戶禮疏案地統書括地象云地中央曰崑崙其東南方五千里曰神州後漢曹充對河圖括地象曰有漢世禮樂文雅出蜀志注引岷山之地土爲東井絡文選注引河圖括地象曰崑岡之山橫爲地軸岷